

Res Gestas  
CAROLIMAGNI  
Svecorum, Gothor.,  
Vandalorumq;  
REGIS & MONARCHÆ  
semper  
AUGUSTI  
semper  
INVICTI

*Delineare  
audebat*

*Auctor Armor: Victoric:*

---

Anno 1702. Mense Novembr:  
Editione hac novâ auctiori & emendatiori;



I.  
Repræsentans  
CAROLUM, MAGNUM.

\* \* \*



*Maximus ex Magnis CAROLIS CAROLUS 1. Duodenus, 2.  
Invictus semper, 3. Victor ubiq; pius; 4.  
Defensor s. fidei, 6. Borea 7. protector & Austri, 8.  
Hesperia 9. felix arbiter, 10. Orbis honor;  
Qui nec adhuc juvenis 11. Reges supereminet 12. omnes  
Et pace & bello par sibi 13. major eis;*

*Qui victis 14. Danis, Russos 15. mox fundit atroces,  
Saxonas 16. indomitos cum sociisq; 17. domat;*


*Qui solâ famâ 18. sinceris firmat amicos, 19.  
Vindicat oppressos, 20. territat ambiguos: 21.*

*Heroem tantum veterum nec secla dedèrunt  
Nere dabunt mundi secla futura parem.*



177825

II. Rc-



1. Carolo Magno Germaniæ & Galliarum Imperatore, ut & Carolo nono, decimo & undecimo regnorum Svedicorum regibus & monarchis oriundus ac prognatus. 2. Hujus nominis duodecimus inter monarchas & reges Sveciæ. 3. Etiam si fuerit multo inferior hostibus, quibus cum aperto Marte congressus est. vid: quæ ad Carm: 3. infra annotavi. 4. Testari hoc possunt Scelandi t. t. omni sane protectione destituti, clementiâ tamen CAROLI generosissimè servati; testari hoc quoq; possunt Mosci ad Narvam victi & salvi domum dimissi. Testari hoc deniq; possunt Saxones ad Dunam capti, Curlandi malevoli, Sapihæque domus ante victoriam Saxonibus favens. Testari hoc in super possunt Lithuani atq; Poloni bellum Livonicum non impeditentes, ad quod tamen ex foedere pacis Olivienfis tenebantur. 5. Hæreditarius & summus. 6. Evangelicæ per Divum Lutherum restauratæ 7. Regnorum Svedicorum. 8. Libertatis & religionis Germanorum ad Austrum versus sitorum respectu Sveciæ. 9. Gallorum, Hispanorum, Anglorum & Italarum quos Oceanus Occidentalis ambit. 10. Mediator, Pacis nimirum Rysvicensis. 11. Nascebatur enim A. 1682. d: 24. Junii. 12. Pietatè, Clementiâ, Justitiâ, Fortitudine, Temperantiâ, aliisq; virtutibus magnum Heroem formantibus. 13. h. e. Semper augustus, semper intrepidus, semper magnanimus, semper incomparabilis & ut brevius hæc exprimam semper CAROLUS. 14. In Holsatiâ & Scelandia vide infra. 15. Famoso isto prælio ad Narvam die XXX. Nov: vid: infra. 16. Primo ad Dunam d: XIX. Julii A: 1701. & deinde ad Clisfoam. d: 19. Julii A: 1702. 17. Polonis, Lithuanis, Moscis & Cossacis. 18. Rei tam fortiter gestæ. 19. Quorum interest Sveciam conservari illibatam. 20. Et ne quidem pace redintegratâ uti par erat restitutos. 21. Nutantes, incerti bellumne inferant Svecis, an pacem conservent, cautiore demum redditici sociorum clandestinorum cladibus inopinatis.



## II.

Representans

### Inopinati belli inopinatam metamorphosin.

\* \* \*

**S**VECIA quæ toti pacem 1. procurat en 2. orbi, 3.  
 Ipsa nequit 4. tantâ pace quieta frui!  
 Saxonibus 5. subito 6. premitur Livonia turmis,  
 Cobrono 7. & victo mox nova Munda 8. cadit:  
 Classibus 9. Oceanus; 10. magnis Holsatia castris 11.  
 Impletur, septem 12. claustra repente ruunt;  
 Riga dolisque 13. armis diversis 14. nescia vinci.  
 Et bis cineta 15. luit, bisque reclusa 16. fidem; 17.  
 Interea misere fortis Tönninga cruento 18.  
 Quassatur ferro, 19. tartareisque globis; 20.  
 Ingria & infelix manibus vastatur acerbis 21.  
 Arx Kokenhusa 22. pratereaque perit;  
 Narva citra ac ultra 23. castris circumdatur altis, 24.  
 Barbarus atq; ferox 25. hostis ubiq; 26. furit.

Assar-

1. Ryficensem. 2. Susceptâ & feliciter peracta mediatione. A: 1697. 3. Germanis, Gallis, Hispanis, Anglis, Italis, Batavis, illorumq; Colonis in Asia, Africa & America fundatis; & per bonam consequentiam etiam Polonis, Moscis, Turcis & Tartaris. 4. Lacescita enim per tot tantasq; provinciarum suarum vastationes arma demum accingere cogebatur. 5. Saxonico Regis Poloniarum exercitu 10000. peditibus & dimachis contexto; ducibus Flemmingio & Paykullio. 6. Nulla præviâ belli denunciatione. 7. Occupatur sub & opreptiæ A<sup>o</sup>. 1700. d: XXIV. Februar: 8. Deditur die XXIV. Mart: 9. Danorum. 10. Balthicus. 11. Ductu Ducis Würtemb: Reg: Dan: summ: Camp: Marech: d: XX. Martii; castra hæc constabant 16000. veteranis. 12. Fortalitia Holmer: Steinhäuser: & Sorcker expugnabantur d: IIX. Aprilis, Castella Hufumi d: XII. April:, Fridericostadii d: XIII. April:, Ramstadii d: XIX.; Arx Gottorpiensis d: XXIII. ejusdem mensis. 13. Artibus Patkullii profugii & Carlovitzii sancti Reg: Polon: ad Moscum Legati. 14. Saxonibus Flemmingii, Polonicis Lubomirskii, Lithuanicis Sapihæ ductu; quibus adhuc conjungebantur aliquot turmae Tartarorum & Cosaccorum. 15. Oblidione; primo quidem d: XXVII. Februar: duce Flemmingio; deinde d: XXX. Julii auspiciis ipsius Regis Poloniarum. 16. D: xv. Maji, fugientibus t. e. obsessoribus sub adventum turmarum finnonicæ; æque ac deinde d: XXVII. Septembr: discedentibus ad tempus Saxonibus ad expugnam arcem Kokenhusæ. 17. Fidem Regi hæreditario promissam & constanter servatam vastatione prædiorum & desolatione suburbiorum intrepida luit. 18. Expugnatione castellorum supra denumeratorum cruentato. 19. à d: XXII. Aprilis usq; ad IV. Junii. 20. à d: XXVI. Aprilis usq; ad IV. May: ignivomorum globorum vulgò Bomben 6000. igneorum vero 118. vibrantur; 21. Ductu Sheremetiofis Moscorum ac Cosaccorum turmis & aliquot Hordis Tartarorum stipati. 22. Arx Kokenhusæ ruinam jam dudum minitans cedit d: XVII. Octobr: 23. Fluvium interfluentem. 24. Ultra morem elevatis & s: ita; bene munitis. 25. Cladis t: t: securus & pœnæ. 26. Nec Ingriæ, nec Finnoniæ, nec Esthoniæ, nec Livoniæ terris aut oppidis parcens. vid: Histor: bell: Livon:



*Assurgunt Sveci, capiunt mox arma, moventque*  
*Adveniunt, pugnant; causa 1. DELLsqve favens;*  
*Sternit 2. Cimmericas 3. hic Gyldensterna 4. phalanges,*  
*Tönningam & magno servat honore Baner; 6.*  
*Totâ 7. illic Rigam Dahlberg, 8. virtute tuetur, 9.*  
*Saxonica & Maidel 10. castra revellit ovans, 11.*  
*Sustinet Horn 12. istic Narvam 13. per mille labores, 14.*  
*Velling 15. & Cronhjort 16. motibus 17. usq; vacant: 18.*  
*Accelerat CAROLUS 19. Regum fortissimus Heros,*  
*Hostis & attonitus multus ubiq; fugit;*  
*Pellitur Oceano 20. Danorum classis 21. avaro,*  
*Obstruitur portus, 22. frata relicta patent; 23.*  
*Excendant Sveci, 24. famosa Selandia cedit, 25.*  
*Hassnia magna tremit, 26. redditur alma quies: 27.*  
*His factis 28. vastum CAROLUS mare transit 29. Atlantis 30.*  
*Appellens 31. fortes conglomeratque 32. manus.*

*Adprope-*

1. Belli; summo cum moderamine inculpatae tutelae suscepti. 2. Ad Reinbeckam d: XXIX.  
 May. ut & deinde ad Utersen: & Elmeshorn: vid: Hist: bell: Holsat: 3. Danorum copias, in Holsatia  
 parte Cimbricæ t.t. militantes. 4. Sacri Regi Maj: summus Campi Marechallus & Gubernat: Gener:  
 Duc: Brem: & Ferd: 5. Valla & mænia solo fere æqvata in cineribus adhuc defendens. 6. Summi  
 Ducis Holsat: General: & Gubern: Tönningæ; ortu & animo Svecus. 7. Omnibus & scientiæ mili-  
 taris & prudentiæ civilis remediis adhibitis. 8. Sacri Regi Maj: Senator, summus Campi Marech: &  
 Gubern: Gen: Livoniæ. 9. Per sesquialterum annum à d: xxvii. Febr. 1600. ad d: xix. Julii Anni  
 1701. continuis vigiliis & excursionibus hostes taticans. 10. Sacri Regi Maj: Campi Marech: præ-  
 cursor fore ducens exercitus Vellingii. 11. Diffugientibus turmis Saxon: Lithuan: & Cosaccor: ultra  
 Dunam d: XV. May; 12. Sacri Regi Maj: t.t. tribunus peditum & præfectus Narvæ, nunc Marech:  
 Campi. 13. Nudam fere milite, nec adhuc bene munitam & rebus necessariis haut abundantem.  
 14. à d: xxii. Septembr: usq; ad d: xxx. Nov: 15. Sacri Regi Maj: sum: Campi Marech: & Gubernat:  
 Gen: Ingricæ. 16. Sacri Regi Maj: Campi Marech: & Gubern: Careliæ. 17. Polonorum, Moscorum  
 & Cosaccorum excursionibus. 18. Ille quidem exercitu veteran: finnon: & Esthoniæ; hic autem a-  
 liquot tantum legionibus & turmis tyronum Careliæ & finnoniæ. 19. Stipatus prætorianis & aliquot  
 Legion: Sveco-Gothicis. 20. Mari Balthico. 21. Secedebat enim sub adventum Classis Svedicæ du-  
 ctu CAROLI intrepidi accelerantis. 22. Portus Hassniæ d: XX. Julii occludebatur; hic quidem per  
 classem Svedicam, illic per aliquot naves bellicas confœder: Anglor: & Batav: 23. Freta Oresundæ,  
 Balti majoris & minoris. 24. Nimirum 3. saltem cohort: prætori: & una ex præsid: Malmog: quibus Rex  
 magnus nec aquam nec ignem timens d: IV. Aug: st. n. prope prædium Kragerup ad rivum Hummelii  
 quatuor colles litus ibi formantes feliciter ascendebat. 25. Reliquis legionibus ex 6000. veteranis  
 compositis transportatis. 26. Turmas victrices ante portas, clascesq; victrices ante portum videns,  
 nullumq; auxilium sibi promittens. 27. Holsatis æque ac Selandis. 28. Pace Travendalensis d: xlii.  
 Aug: subscripta. 29. d: xii. Octobris. 30. s. mare balthicum, id quod alluit veterum Atlanticam si-  
 ve Sveciam probante hoc Clariss: Rudbeckio. 31. Rex cum prætori: ad Pernoam d: xvii. Octob: re-  
 liquæ legionibus ad Revaliam appellebant. 32. Ex turmis adductis, quibus nonnullæ ex exercitu Vel-  
 ling: jungebantur.



*Adproperat Narvam, 1. pessumdat castra, 2. triumphat! 3.*

*Centum mille Hostes ense fugâq. cadunt, 4.*

*Devictis Moscis 5. subeunt hyberna 6. stativa,*

*Victrices turma 7. mox 8. iterumq. movent;*

*Dorpatum veniunt, Valmarum 9. & deniq. 10. Rigam,*

*Hostis ubi infelix 11. fœdera vana 12. luit:*

*Nil bello iniusto 13. fluvii, nil agmina magna,*

*Nil Castella, Duces, nil sociique valent!*

*CAROLUS en Duna fluvium 14. transcendit, 15. & illic*

*Agmina, 16. castra, 17. Duces, 18. cum sociisq. 19. domat 20.*

*His factis cedunt arx Kockenhufæ, 21. Cobronum, 22.*

*Cum Dunamundâ, 23. moxq.ve Mitoa 24. patet 25.*

*Omnis; 26. & exuvias 27. auget 28. Birsena relictâ; 29.*

*Inchyta nec tardat 30. Vilna 31. subire jugo; 32.*

*Lechiadum 33. & sedes 34. cedit 35. Varsovia Magna;*

*Totaque mox ultrò flectere regna 36. volunt: 37.*

*1. Hæc*

1. à d: xxiii. usq; ad d: xxx. Nov. 2. Fortissimè munita & ad minimum 60000. milit: repleta.  
3. Tot tantisq; exuviis ab hoste reportatis. 4. Ense perièrè 18000. ex reliquis multos fluvius absorbuit;  
multos frigus & inedia exanimârunt; multos deniq; Rustici vindictâ Diis victimârunt. 5. Et ad nau-  
seam usq; fugatis. 6. In finibus Esthoniæ & Livoniæ inter Narvam & Dorpatum ad prohibendas Co-  
saccorum & Tartar. excursions disposita; hyberna Regia arx LAIS subministrabat. 7. Invitæ sum-  
mog; tempestatis rigore coactæ. 8. Statim ac prata lætiora pabulum præbebant. 9. Vulgo Wolmer.  
10. Nimirum die xvii. Julii A. M. DCCI. 11. Saxones & Mosci; Calcatores olim Rheni felices & Istri.  
12. Invitisq; satis sane compacta, quorum præposterus finis erat Sveciam divellere & inter fœderatos  
partiri. 13. Vid: Tractat: cui titulus est VIND: VERITAT: 14. Largissimum & rapidissimum. 15. die  
XIX. Julii. 16. Ex tot tantisq; legionibus Veteranorum peditum & cataphractariorum composita,  
vid: infra. 17. Ad prohibendum transitum in ripâ exstructa & per totum fere annum castellis munita,  
multisq; tormentis & præsidiariis repleta. 18. Famosos & experientissimos Steinvium, Ducem Fer-  
dinandum, Paykullum & Repini. 19. Quorum 20000. Russiâ spectatum venerant; qveis accesser-  
ant insuper 4000. Cosacci & Tartari excursionibus quidem & latrociniiis aptiores quam præliis. 20.  
Liyonesq; simul & Polonos tot hostibus exonerat. 21. Diruta & derelicta d: XXV. Julii; 22. Sub  
initium Victoriæ XIX. Julii. 23. Reddebatur d: xxii. Decembr. 24. Sedes Ducis Curlandiæ. 25.  
MÖRNERO Sac: Reg: Maj. Campi March: d: xxii. Julii; 26. Cum Bauskeburgo; Doblenâ; Liboa &  
toto tractu Curl: Semig: Samog; 27. Quas Sveci à Saxon. reportaverant occupando castra citra &  
ultra Dunam. castellum Slock: arcem Kockenhufæ, novam Mundam & Mitoam; 28. VI. tormentis  
magnis ex ære confectis ac XXXII. scaphis cupreis ad formandos pontes volatiles inventis, vulgo Pon-  
tons; quæ omnia Saxones ibi deposuerant tanquam in asylo. 29. Wisnovitzkianis & Oginskianis  
attonitis. 30. Nimirum d: V. April: A. MDCCII. accelerante rege finitis hybernis Würgenf: Golding: Couv-  
noviens: 31. Caput Lithuanix. 32. Præsidii Svedici ad tuendam urbem & libertatem adducti  
gubernatore Mörnero; 33. Polonorum. 34. Regia. 35. Præsidium ex prætorianis Reg: Svec:  
recipit d: XXV. May profligatis turmis Oginskianis, absenti Reipublicæ exercitu & secedente Rege  
Polon: cum Saxonibus Cracoviam. 36. Poloniæ majoris & minoris derelicta quasi & idcirco pro-  
tectionem Regis Sveciæ & auxilium ambientia, 37. Pabulo & annonâ militari Svecos ubiq; sublevando.



*Hæc rerum 1. facie motus 2. revocat legiones 3.*

*Saxoniâ Augustus 4. perque Deumque 5. focos 6.*

*Allectis demum Vallachis atque Polonis 7.*

*Congreditur 8. pœnas dat CAROLO 9. novas 10.*

*Depereunt equitum 11. turma, peditumque 12. cohortes!*

*Quæisqve ensis 13. parcit; corripit ecce palus: 14.*

*His factis 15. tandem Svecus 16. Cracovia 17. cedit;*

*Lechiades 18. rursus 19. proque Salute 20. vorant 21.*

*Quâ benè firmatâ 22. CAROLUS victricia MAGNUS*

*Totos in Moscos 23. castra movere jubet 24.*

*Victor & hos felix mox proterit impiger Hostes*

*Alpibus 25. & Rheno 26. quò ferat omnis 27. opem, 28.*

### III.

Repræsentans

Primos tyrocinii annos CAROLI XII.

ab 9. Jul: A6. 1700. ad 9. Jul: A. 1702.

**C**AROLUS arma movens 1. Danos 2. compescere primos 3.

*Festinat, 4. veniâ 5. mox revenitq, 6. datâ,*

*Sic*

1. Inopinata rerum mutatione. 2. Solio timens & sceptro. 3. Auctiores multum & graviore. 4. FRIDERICUS AUGUSTUS Rex Poloniarum. 5. prætendens de religione & aris. 6. De urbibus & prædiis actum esse, nisi unitis viribus CAROLO per viscera Regni perrumpenti resistatur. 7. Exercitu Polonorum ductu Principis Lubomirsky. 8. Cracoviâ movens Augustus audito CAROLI semper intrepidi adventu Clissoæ subsistit silvasq; inter ac paludes & colles castra ponit. 9. Cui nihil inivium. 10. Effractæ nimirum pacis Olivienfis, vastatæ Livoniæ & confœderationis præpostera pœnas dabat primo ad Dunam A6: 1701. d: XIX. Julii; deinde ad Clisfoam A6: 1702. XIX. Julii; fatali satis omine. 11. Cataphractorum. 12. Veteranorum olim victoriosissimorum. vid: supra. 13. Svecorum; tot tantisq; Augusti machinationibus irritatorum. 14. Arva uliginosa & dumosa, quæ Campi Clislovienses muniti & circumcincti sunt. 15. Fugato nimirum tantæ spei & jactantiæ exercitu, ac secedente Augusto cum reliquiis Sandomiræ; obsidentibus insuper Gylldensiârna majorem Poloniam & Maidelio Litthuaniam. 16. Præcursoribus exercitus Regii cedebat 3. Augusti præsidium Svedicum gubernatore Stenbockio recipiens. 17. Cum arce Regiæ & toto palatinatu. 18. Senatores & Nobiles Reipublicæ Poloniarum. 19. primo quidem Varsoviæ & Sandomiræ convocante Rege; meliori autem deinde successu Varsoviæ auspiciis Eminentissimi Cardinalis Radzieiovsky. Primatis Regni. 20. Reipublicæ. 21. Diversis pro dolor animis & votis; aliis regem ipsum, aliis provincias, aliis nummos & amicitiam inviolatam pro salute & libertate avitâ devotibus. 22. Ad beneplacitum CAROLI restabilitâ. 23. Longè latèq; grassantes ac occupatis per Litthuaniam & Poloniam Svecorum armis prævalentes. 24. Copias victrices ductu Vellingii, Rhenskildii, Maidelii & Stenbockii. 25. Italiæ. 26. Accolis Rheni. 27. Toto exercitu victoriosissimo stipatus. 28. Ad æquilibrium usque; id quod DEUS TRIUNUS, Optimus rerum publicarum stator & stabilitor in communem omnis Europæ salutem vertat, totus rogo.

1. Ad tuendas regni Sveciæ provincias Livoniam, Esthoniâ & Ingriam. 2. Usurpantes FRIDERICI summi Holsat: Ducis terras. 3. Utpote proximiores. 4. Descendendo in Selandiam, vide supra. 5. Effractæ pacis Altenoensis & abruptor: tractat: Pinneberg: 6. Pace Travendal: subscriptâ.



*Sic Tyrocinio perfecto lauriger hostes*

*Exiguâ & reliquos 7. pergit adire manu ;*

*Transcendit 8. venit 9. vidit 10. simul & quos, vicit 11.*

*Moscas, Lehiades, 12. Saxonas atque Scythas : 13.*

*Ausus erat magnus, 14. sed adhuc Victoria 15. major ;*

*Maximus est fructus 16. fama perennis erit !*

*Macte, potens Heros, REX es nec pluribus impar*

*Regibus Augustis, Caesaribusque 17. Scythis ; 18.*

*Perge piis armis, quò te fortuna 19. Gothorum 20.*

*Victorem 21. ducit, cedere 22. cuncta volunt, 23.*

*IV. Re-*

7. Moscos æque ac Polonos. 8. Tractum Maris Balthici Carlsronam inter & Per-  
noviam. 9. Narvam primò ; deinde ad Dunam & Clissoam. 10. Castra & agmina hostium. 11. Mo-  
scos quidem & Tartaros ad Narvam ; Saxones autem cum Moscis & Cossacis ad Dunam ; cumq; Polo-  
nis & Vallachis ad Clissoam vid: supr: 12. Polonos & Lithuanos. 13. Tartaros, Cossacos & Vallachos.  
14. Primo enim aggrediebatur Rex intrepidus exercitu Svecorum fatigato & quasi exhausto Moscos ;  
quamvis altissimis castris immerfos multisq; tormentis obiectos ; Moscorum erant ad minimũ 60000 ;  
Svecorum ne quidem 8000 ; peditatus Svecorum ex legion: prætor:, Dalecarl:, Helsing:, Wesmaland:  
Vermeland: & Finnon: ; equitatus ex prætor:, equit: & velit: ; ex nobil: Esthon: & Livon: ; ex Abocnfi  
Nyland: & Careliæ Finnon: & deniq; ex Esthon: & Livon: turmis constabat ; paulo post Rex invictus  
oppugnabat Saxonum exercitum ex 4. legion: cataphr: 4. legion: veteran: pedit: aliquot turmis di-  
macharum & 24. Cohortibus Moscorum conflatum, ac rapidissimo Dunæ fluvio magnisq; castellis  
munitum quindecim modo Cohortibus peditum & 300. equit: numerum 7000. militum non exce-  
dent: ; peditatus constabat ex 4. cohortibus prætor:, 2. coh: Upland:, 2. coh: Dalecarl:, 1. coh: Helsing:.  
2. coh: Wesmaland:, 2. coh: Nericiæ & Vermeland:, & 2. coh: Bothniæ Occident: ; equitatus autem ex  
prætor: equit: & velitibus, ut & Upland: compositus erat ; vide supra ; nuperrime deniq; Rex infatigabilis  
semperq; Victor Augusti exercitum ex 8000. Polonis atq; Vallachis & 18000. Saxonibus conflatum  
ad Clissoam munitissimis in castris pessumdabat manu admodum parva tantoq; terrarum tractu fere  
exanimata ; equitatus CAROLI contextus erat ex 1. turmâ equit: prætor:, 4. turm: defultoriorũ præ-  
tor:, 12. turm: Upland:, 7. turm: Smaland:, 8. turm: Ostrogoth. & 8. turm: Scaniæ Australis: ; pedita-  
tus constabat ex 4. Cohortibus prætorianis, 2. coh: Upland:, 2. coh: Dalecarl:, 2. coh: Wesmaland:, 2.  
coh: Vermeland:, 2. coh: Bothniæ Occid:, 2. coh: districtus Calmariensis, & 2. coh: tyronum Upland:  
& Ostrogoth: ; quæ tamen omnes & singulæ 8000. tantum milites armatos continebant, vide supra.  
15. Tot enim mille hostium cæsi, tot exarmati, tot profligati ; tanti Duces capti ; tot trophæa reporta-  
ta ; ad Narvam 149. tormenta ænea, 28. mortaria, 4. Ballistæ vulgo Haubitzen, 146. vexilla, 16. signa  
equit: ; 100. signa velit: ; ad Dunam 36. tormenta ; in armamentario Schlock: 48. tormenta ferrea ;  
Kockenhufæ, 22. tormenta ænea ; 4. mortaria ænea, & 2. Ballistæ ; Novæ Mundæ 71. tormenta ænea  
veter: Elect: Saxoni cum 6. ballistis & 18. mortariis æneis ; ut taceam apparatus bellicum, commea-  
tum & spolia quæ Svecis ibi fortuna adjudicavit ; ut taceam tormenta & exuvias Saxonum quas Rex  
ultra pergens Mitæ, Birsenæ, Vilmæ & Varfaviæ invenit ; ut taceam 48. torm: ænea, dirisse Augusti su-  
pellestem & thesaurum cæterosq; Victoriæ Clissoviensis fructus ; ut deniq; taceam tormenta & exu-  
vias Cracoviæ, Lublini, Zamoiscæ, &c. 16. Victoria enim ad Narvam Moscos adeo timidos reddidit,  
ut ne quidem conspectum Svecorum jam sustinere possint, nisi ad minimũ sint viginti contra unum ;  
testantur hoc expeditiones *Spenceri*, *Cronhjorti* & præprimis *Slippenbachii* Marech: Camp: ; Victoria  
ad Dunam non tantum Saxones toto Poloniæ regno dimovit ; sed & Regi Victori Curi: Semig: & Sa-  
mog: submisit ; Victoria autem Clissoviensis malevolorum novas machinationes suppressit & pacem ad  
lubitum CAROLI procurat. 17. Czaris ; 18. Russorũ à Scythiis oriundorum ; 19. Avita ; 20. Per to-  
tum terrarum Orbem migrantium, 21. Semper pium, semper intrepidum. 22. Tibi ; iustissimum  
bellum gerenti. 23. DEO T. O. M. sic disponente.



## IV.

Repræsentans

## Res gestas CAROLI MAGNI 4. epigrammat:

## I.

**E**xscendit 1. primo ascendit 2. transcendit 3. & anno; 4.  
Et Dani & Mosci, Lechiadesq; 5. luunt! 6.

## II.

Una dies 7. Moscos; & Danos Hebdomas una 8.  
Saxonem & una domat Luna 9.; quid Anne feres? 10.

## III.

Saxonas & Danos cum Moscis 11. perdomat annò.  
Si pergit nullus sufficit Orbis ei!

## IV.

Si Tyro 12. tantas didicit devincere gentes,  
Dic! 13. CAROLUS quid agat, 14. dum Veteranus 15. erit.

1. A: 1700. die IV. Augusti Exscendit CAROLUS in Selandiam militibus, sagittariis & rusticis armatis repletam stipatus *VVachtmeistero* Senati & summo classis Navareho; *Rehnschildio* summo Campi Marechi; & Gubern; Gen; Scania; *Posio* Campi Marechi; & tribuno pedit; prætori; *Stuarto* Campi Marechi; & summo castrorum metatore, *Hornio* Campi Marechi; & Capitan; eqviri; prætori; & 2200. peditibus. vide supra. 2. Ascendit CAROLUS castra Moscorum ad Narvam d: XXX. Nov: 1700. stipatus *Vellingio*, *Rehnschildio*, *Posio*, *Hornio*, ut & *Sjöblad* summo Rei tormentariae præfecto; *VVachtmeistero* locum ten: sum: Campi Marechi; & Gub: *Calmaria*; *Maidelio* & *Ribbingio* March; Campi, vide supra. 3. Transcendit CAROLUS fluvium Dunæ d: XIX. Julii A: 1701. stipatus *Sjöblad*, *Vellingio*, *Rehnschildio*, *Maidelio*, *Posio*, *Stuarto*, *Hornio*; ut & *Livio* & *Spencero* locum tenent; summi Campi Marechi; & *Steenbockio* Campi Marechallo. vide supra. 4. à IV. Aug: A: 1700. ad XIX. Julii, A: 1701; sicque tres istas expeditiones primo statim anno feliciter perfecit, quibus sæpius Duces experientissimi omnem rerum gestarum gloriam perdidere; 5. Poloni & Lithuanit: t: sub vexillis Saxonum militantes. 6. Extractam pacem; Dani quidem pacem Altenoensem. A: 1689. Mosci Cardisensem. A: 1661. Polono-Saxones autem Olivensem A: 1660. compactam. 7. Nimirum XXX. Novembr: 8. Nam d: XXX. Julii obstruebatur portus Hassnia; d: IV. Aug: Rex Svecia; transcendebat fretum Oræfundæ & d: VII. Aug: Travendalia; reassumebantur tractat; pacis. moxq; die XVIII. subseribebantur; 9. Vel. Mensis, die enim XIX. Julii congregiebatur Rex intrepidus cum Saxonibus, & medio Augusti jam omnes Curlandiâ, Semigalliâ, Samogothiâ, Lithuanîâ & maxuma parte Polonia; cedebant. 10. Annus ille secundus tyrocinii Monarchæ nostri incomparabilis attulit nobis permigrationem armatam & occupationem vastissimi ac belli colissimi Poloniarum regni à Riga ad Cracoviam usque, ut & Victoriâ Clisoviensem, cui præter Regem intrepidum aderant experientissimi & fortissimi Duces *Vellingius*, *Rhenschildius*, *Livius* & *Spencerus* locumtenentes Regis; *Alexander à Strömberg*, *Posius*, *Mörnerus*, *Nierothius*, *Hornius* & *Stenbockius* summi vigiliarum præfecti. vide supra. 11. Hoc ordine bellum Svecis & foederatis inferebant; 12. Bello adhuc ut liceat ita loqui inexpertus; 13. Vates, si potes; 14. Quas nam gentes subjugabit, 15. Sedecim annorum experientiâ imbutus.

